



18
22
S E C V L V M
B A R B E R I N V M
S I V E
A E T A S A V R E A

Ad Musicos numeros decantata

Auspicijs

EMINENTISS. AC REVERENDISS. PRINCIPIS

F R A N C I S C I
C A R D. B A R B E R I N I

S. R. E. VICECANCELL.

Dum

PRO LAVREA PHILOSOPHICA

Disputaret

LAVRENTIVS RAGGIUS GENVENSIS

In Collegio Romano Societatis IESV.



ROMÆ, Ex Typographia Francisci Corbelletti. MDCXXVI.

SVPERIORVM FERMISSV.

3
EMINENTISS. AC REVERENDISS.

PRINCIPI

FRANCISCO
CARD. BARBERINO

S. R. E. VICECANCELL.



L A V R E N T I V S R A G G I V S F.




VAM senescenti iam Mundo,
deterioris metalli detergenda rubi-
gine, nitidam restituis ætatis au-
reæ venustatem, eamdem musi-
cis à me gratijs cumulata[m] offe-
ro Tibi, Princeps Eminentiss.^{me}

Vna præter cæteras (quod Ve-
spasiano suo dicebat Plinius) deliberantem id me
subierat cura, vt, quod dicatur Tibi, dignum Te
esset. Noueram enim cum Domitio Pisone, oblatos
Principi Codices thesauros debere esse, non libros.
At frustra dubitare me tandem sensi, dignum Te
opus illud fore, quod vnum nouit Authorem Te.
Vnum enim Te; & quidem Saturno longè præ-
stantiorem aurei Conditorem sæculi salutat Orbis
terrarum. Quòd si thesaurus libellus iste non est,

A 2

vt potè,

utpote , qui non exigua præferebat argumenta tenuitatis meæ , Tu certè pretiosum aspectu facies , qui faciem rebus omnibus pretiosam inducis : atquè ita & dignum Te librum efficies , & aureo non indignum sæculo , nimirum Tuo . Addam tamen , & aliquid ego pretij muneri meo , si reliquum mihi fecero nihil , quod iuris Tui non faciam . Exemplo siquidem suo me docuit Pater , quàm profusis prodigam istam maiestatis humanitatem venerari deberem officijs , dum ille vel supremo Te spiritu coluit , obsequijs addictus Tuis . Quod igitur extincto superavit Patri , excipe superstitem filium , paternæ obfidem obseruantia sempiternum ; & aureos viue dies Optatissime mortalibus Princeps ; cui videlicet in dierum æternitatem longè pretiosissimam transcribendo , ætas , quam exulem reuocas , aurea suffragatur . Vale .



S A T V R N V S R E S T I T V T V S .



*ANDEM rebelles mitior impetus
Ponit feroci pectore Iuppiter.*

Saturne regna . BARBERINO

Auspice, te solio redona .

Superbientem sustinuit Iouem

Inuitus Orbis , longius exules

Cultus Auorum lacrymatus ,

Et scelerum reuocata iura .

Natum regendi fascibus Imperi

Te nouit unum , te sibi redditum

Suspirat auctis destinatum

Terrigenum , Superumquè votis .

Quales auiti Regis amabilem

Vultum reposcunt legitimi greges ,

Si toruus afflictos Tyrannus

Imperio grauiore pressit .

Ergo fugata nube supercili

Componit rugas . Frontis amoenitas

Augusta ridentes amiket

Foedere perpetuo lepores .

Quem vagientum lumina syderum

Videre , talem te reducem colant ,

Mundusquè regnantem salutes

Lumine conspicuum recenti .

*Inauspicatam seruitij notam
 Dedisce Princeps, pone grauantium
 Molem indecoram vinculorum, &
 Compedis inuidiam probrosæ.
 Diu tenaces immeritam manum
 Strinxere nexus: debita fortior
 Ad sceptrum surgas, dexteramque
 Ad dominam reuoca securem.
 Te nempe sceptri regificum iubar,
 Et dexterarum nobile grandium
 Decet grauamen, temperati
 Dulce decus, columenque Mundi.
 Angustioris sume superbiam
 Frontis. Comantum gratia crinium
 Intexta gemmis enitescat,
 Et veteri tumeat metallo.
 Intaminato purpura murice
 Honestet artus, cycladis arduas
 Resume pompas, & nitorem
 Imperij memorem vetustæ.
 Sic dum reductis axe iugalibus
 Reuisset Vrbes aurea faustitas
 Authore felix BARBERINO,
 Secula tu meliora condes.*

REDVCS E COELO VIRTUTES.



T vos æthereis coetibus additæ,
*F*lecti difficiles sub Ioue Principe
*V*irtutes niuei conditor otij
E Coelo reduces vocat.
*I*ncorrupta fluunt secula, criminis
*I*nfoecunda, luis nescia sordide,
*T*errasq; una beat vecta niualibus
*Q*uadrigis charitum phalanx.

*H*orrebat refugo splendida Principum
*A*ffectare gradu limina Veritas:

*I*am cedente redux fraude, potentium
*T*ectis assidet ultimis.

*I*actis Palladiæ frondis amoribus
*P*ax optata subit. candida Principes
*V*os ad vota ciet. dissociabiles

*A*h committite dexteras.

*I*am ferro satis, & vulneribus datum.
*S*pumat sanguineis fluctibus horridum,
*G*randescitquæ nouis vorticibus mare, &

*R*ipis intumet altiùs.

*A*stream, at video nubibus arduam.

BARBERINE tuis auspicijs redit,
*E*t sese exilio damnat amabili

*F*elix hospita syderum.

Olim sollicitis pulsa tumultibus
 Pacatis redeunt otia risibus
 Exultantquè noua sorte beatiùs
 Fractis gaudia luctibus
 Prodit sydereo lacte venustior
 Foedari impatiens ingenuus pudor,
 Indè impressa niues despicit alpium
 Puris orbita gressibus.
 Pressum namquè solum cana sequacibus
 Insternunt niuibus lilia; candidis
 Et sparsum radijs undiquè lacteo
 Clarum sydere fulgurat.
 Qualis flammiferi turba minor chori
 Coelo candidulas fusilis in faces
 Flammarum irriguo lacte notabilem
 Diuis irradiat viam:
 Sic exempla sui Cæsaris exprimit
 Orbis, dum niueo Principe lacteus
 BARBERINE, micat, concolor & sua
 Sic expingitur Arbitro.



AETAS AVRE⁹A REVOCATA,



*TE primæva reduces quadriga
Principum Patres niuei dierum
Candidi soles : Ioue foederato
Candeat axis .*

*Grandinet pura grauior procella
Dextera aurato pretiosa nimbo
Dum ferit pigro rutilis Eo
Terga lupatis .*

*Splendidum colli decus hospitalis
Ebrium Gangis meliore vena
Vibret , & flauo Pyrous metallo
Seminet æthram .*

*Scilicet mundo iubar expetitur
Frontis antiquæ , reuehit sub auras
Seculum princeps veteri daturum
Tempora Cultu .*

*Redditus Mundo senioris æui
Auctor ingratas procul axe nubes
Dissipat , sæuos & amicat ignes
Tristis Orion .*

*Nullus Arcturi morientis urget
Impetus Nereum ; redeuntis Hoedi
Nullus insanas hyemes minatur
Fluctibus horror .*

Nulla

*Nulla Caurorum rabies frementum
Ingruit Ponto, silet efferata
Lenior penna, tumidas nec iras
Asperat Euris.*

*Veris æterni redeunt honores:
Flora securos animosa partus
Educat pratis, Zephyrusquè odora
Imbuit aura.*

*Pondere immani grauat arua passim,
Lata dum culmo seges inquieto
Nutat, & centumgeminò tumescunt
Gramina foetu.*

*Qualis augusto gravidata sulco
Induit Culmis Cerecem trecentis,
Cum superbiret noua laureato
Gleba Colono.*

*Lacteo Thetis rigat amne campos,
Candicat tellus variata circum
Lactis effusa niue candicanti
Aemula gyro.*

*Depluunt Coelo patrium Tonantis
Limen obliti latices, & Ister
Nectaris largo satiata riuo
Semina mulcet.*

*Sponte coelestes fabricata succos
Diues Hyblæo fluit imbre quercus.
Melleos illex operosa ramis
Diuidit imbres.*


Nescium

*Nescium sudat nemus otiari ,
 Sudat & frangi indocilis labore
 Sylva , quam mellis bona fabricatrix
 Erudit ales .*

*Mitior duris redit usquè truncis
 Indoles , dum flammivomos per axes
 Melleo currunt pede , BARBERINO
 Principe soles .*



12
ALIARVM AETATVM
F V G A.



*EDITE nigrantum scelerata in
tectâ sororum*

*Congeneres animæ furijſ; Ere-
boquè parenti*

*Eripe. te Superis ; puro te sub-
trahæ Coelo*

*Tyſſiphonæ cognata Trias, cui foe-
ta malorum*

Corda micant, centumquè truci ſtant pectore mortes.

Nullus eſt ferro locus inſolenti,

Nullus argento vacat emicanti,

Aera nec tellus capit appetenti

Arctior auro.

Pede præcipiti nota ſilentum

Horrida teſqua pete

Vitium terræ, Coeloque grauis

Grauiſquè Tartaro lues.

Erebi ad patrios tende penates

Scelerata cohors. Hydra malorum

Centiceps coelo malè pullulantes

Tolle ceraſtas.

Cedere Latinus Hercules terris iubet:

Alcide maior BARBERINVS Hercules.

Vides ut aurea luce ſerenior

Rideat æther?

Venu-

*Venustioris explicat frontis iubar,
 Nubesquè ridet contumaces
 Arbitr auricomus dièi.
 Ferrea quid ætas pigrior noctis moras?
 Pede præcipiti in Phlegetonta fuge,
 Et ferrugineas tecum procul abstrahe noctes.
 Par est inhorrescentium tenebrarum
 Puro recedat axe ferreus limor,
 Vbi fulget auri redditus mundo nitor.
 Reseminatis ecce noualibus
 Aetas metallo principe nobilis
 Adulta crescit, ditibusquè
 Fertilior nitet illa culmis.
 Nulla iam campis inimica crescit
 Durior ferri seges. inquieti
 Martis effrenes abeunt furores,
 Germina & horridiora belli.
 Procul ite ferreorum
 Mala seminum propago,
 Tartareum genus, & Stygijs assueta cauernis,
 Agmina, solemquè
 Aureum difficiles pati,
 Nosciquè indociles doli.
 Procul ite flexuosa.
 Ite procul sociæ
 Fraudibus insidiæ malignis.
 Nulla fraudes nox recondit,
 Nulla mendaces dolos,*

Vbi

Vbi Sole BARBERINO

Emicat axis.

*Blanda soporatis arrident otia terris,
Mundoquè fesso chara se reddit quies.*

*Cedite callosa damnati fronte labores,
Ite procùl.*

Procùl ito sordidantum

Lurida sudorum proles, argentea proles.

Moraris? obsidenti

Laboriosas libera frontes lacu.

*Frustra sudato gemmascunt rore capilli,
Et stillata rigant quæstias flumina lauros,*

Vbi crinibus repexis,

Et otiosis frontibus

Ardua baccato frondescit laurea gyro.

Sudat amaro languida succo

Frons attrita, labor quam premit improbus.

Siste lues.

Euiscerata largiùs ilice

Roscida perpetuis ubi sudant mella fluentis.

Vos quoquè mordaces, inimica examina, curæ

Præcipitate fugam.

Pectora tranquillat sopor aureus, æthere ab alto.

Lapsus, & antiquà fortunat corda quiete.

At tu mente procacior

Aenea quid cessas bellis inuisa repertis?

Adhuc ubiquè cædibus regnas tuis,

Et inquietis motibus Mundum quatis?

*Auehe te superis ,
 Purum desere coelum .
 I pete velox
 Tanareos truculenta tractus .
 Fuge noctibus tremendis
 Concolor atra cohors ,
 Tyssiphonæ Cognata Trias ,
 Iam dissipatis æthera nubibus
 Recluset melior Trias ,
 Gloria prima volantium
 Mellis amica Trias .
 Pede præcipiti cedite , fugite
 Congeneres animæ furijs , Ereboque parenti .
 Excusso Ioue , primæ
 Felicitatis aureum reuexit
 Seculum mundo dominæ volucris
 Triumviratus melleus .
 Pede præcipiti nota silentum
 Horrida tesqua pete
 Scelerata cohors . Hydra malorum
 Centiceps coelo male pullulantes
 Tolle cerastas .
 Cedere latinus Hercules terris iubet
 Alcide maior BARBERINVS Hercules .*

F I N I S .

Imprimatur, si videbitur Reuerendissimo P. Magist.
Sacri Palatij Apostolici.

A. Torniellus Vicefg.

Imprimatur.

Fr. Nicolaus Riccardius Sacri Palatij Apost. Magist.
Ordinis Prædicatorum.



